

Hafan

Pori

Awduron A-Z

Chwiliad testun rhydd

Chwiliad testun rhydd

English

PDF

Argraffu

Cyfeirnod

Linell Amser

English

Hafan

Pori

Awduron A-Z

Chwiliad testun rhydd

TOUT, THOMAS FREDERICK (1855 - 1929), hanesydd

Enw: Thomas Frederick Tout
Dyddiad geni: 1855
Dyddiad marw: 1929
Rhyw: Gwryw
Galwedigaeth: hanesydd
Maes gweithgaredd: Hanes a Diwylliant
Awdur: Robert Thomas Jenkins

y ceir ymdriniaeth lawn ag ef yn *D.N.B., 1922-30* (gan V. H. Galbraith) ac yn *Proceedings of the British Academy*, 1929 (gan Syr Maurice Powicke). Er mai ym Manceinion y gwnaeth Tout ei waith mwyaf, caiff eto le yn y gyfrol hon am i lawer o'i waith ddelio â Chymru ac mai yng Nghymru y cychwynnodd arno. Bu'n athro hanes yng Ngholeg Dewi Sant o 1881 hyd 1890. Yng ngeiriau Galbraith, ' his years at Lampeter were the making of him ' - ac meddai Powicke, ' at Lampeter, Tout found himself.' Dysgodd Gymraeg, ac ymdafodd nid yn unig i waith y coleg ond hefyd i fywyd tref Llanbedr Pont Steffan - pan wnaethpwyd honno'n fwrdeisdref yn 1884, yr oedd Tout yn un o'i haldramoniaid cyntaf, a byddai'n fynych yn llywyddu'r cyngor trefol. Ymddiddorodd hefyd yn hanes Cymru. Sgrifennodd nifer mawr iawn o'r ysgrifau cysylltiedig â Chymru yn y *D.N.B.* - cyn i **Syr John Lloyd** yn 1893 gymryd at y gwaith, Tout gan mwyaf a sgrifennai ar Gymry 'r Oesau Canol; ond ni chyfyngid ei wybodaeth i'r oesau hynny - ef, e.e., a sgrifennodd yr ysgrif ar **Charles** o'r Bala; noder hefyd ei bapur ' Wales under the Stuarts ' yn *Liverpool Welsh Nat. Soc. Trans., 1891-2*, 24-41. Prif ffrwyth ei astudiaeth o hanes Cymru fu sylweddoli (fel y dangosodd yn eglur yn ei lyfrau) na ellir deall hanes Lloegr yn y 13eg ganrif heb roi ei llawn bwysau i'r 'broblem Gymreig.' Ni sgrifennodd lyfr unswydd ar hanes Cymru, ond gellir nodi yma rai o'i bapurau sydd o ddiddordeb Cymreig : ' The Welsh Shires ' (*Cymm.*, ix), ' Wales and the March during the Barons' Wars, 1258-67 ' (yn *Historical Essays by Members of Owens College*, 1902, 76-136), ' Flintshire, its History and Records ' (*Flints. Hist. Soc. Proc.*, i, 1-38), *The Captivity and Death of Edward of Caernarvon*, 1920, yr ymdriniaeth â hen fwrdeisdrefi Cymru yn ei *Mediaeval Town Planning*, 1917, a'r adrannau Cymreig o'i lyfr pwysig *The Place of the Reign of Edward II in English History*, 1914. Yn Llundain y ganwyd Tout, 28 Medi 1855, ac yno y bu farw, 23 Hydref 1929.

Awdur

Yr Athro Emeritus Robert Thomas Jenkins, (1881 - 1969)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

PDF

Argraffu

Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Erch i'n tudalen codi arian am ragor o wybodaeth.

frannu

Arddull APA

Jenkins, R. T., (1953). TOUT, THOMAS FREDERICK (1855 - 1929), hanesydd. Y *Bywgraffiadur Cymreig*. Adferwyd 11 Tac 2024, o <https://bywgraffiadur.cymru/article/c-TOUT-FRE-1855>

Preifatrwydd a Chwcis

Hawlfraint

Y Prosiect

Cymorth

Cysylltu

LGC
NLW

LLYFRGEL
THE NATION



Nodiwr gan
Llywodraeth Cymru
Sponsored by
Welsh Government